

Flem: Regiun Surselva u Regiun Plaun?

■ (rtr) Anc enfin dumengia pon ils da Flem cruschar sin il questunari ch'els han retschet a chasa sch'els vulan far part en il futur da la Regiun Surselva, da la Regiun Plaun u sche quai na gioga per els nagina rolla. Ils blers paran dad avair prendì ina decisiun. Per bain inqualin è il turissem in factur impurtant, lezs han cruschà Regiun Surselva sin il questunari. Auters na vulan betg trair d'apart insatge ch'è creschì ensemen ils davos onns. Flem fa part dapi l'onn

1988 da la Regiun Surselva. Intgins n'han betg ponderà ditg ed èn sa decidids spontan or dal venter per ina regiun. La decisiun dependa la fin finala dentant era nua che mintgin tschenta las prioritads. Per inqualin è la vischinanza tar Cuir impurtant. Cun il resultat dal questunari vegn il cussegl grond a s'occupar ed a la fin prender ina decisiun. Il 2015 duessi alura valair, Flem vinavant en la Regiun Surselva u da nov en la Regiun Plaun.